

Beach vad d'hor bagig er bed-man !
 D'hon ene beach vad ive !
 Gras deomp, goude hon tremenvan,
 Da zouar' e porz an ee !

An Aoutrou de Treanna, euz a vaner Kerazan,
 o veza kouezet en eul lenn doun, hag o veza
 prest da venzi, a voestlaz sevel eur japel d'ar
 Verc'hez. Saveteet gant Mam Doue, e talc'haz
 d'he c'her, ha sikouret ive gant arc'hant ha
 bolontez vad ar gristenien euz tro-var-dro, er
 blavez 1699 e reaz sevel, e parrez Plogoff, ar
 japel-ma da Itron Varia ar Veach-Vad.

Daou bardon ar bloaz a zo e Beach-Vad.
 Unan, ar pardon braz, a zo d'an eil a viz
 gouere; egile d'an eil sul a viz guengolo.
 Da oll gouelioù ar Verc'hez ha d'al lun Fask, e
 vez ive oferen bred er chapel-ze.

IMPRIMATUR :

Quimper, le 4 Octobre 1892.

E. FLEITER.

Kemper, moultet e H. DE KERANGAL.

8N1-3-058



KANTIK

ITRON VARIA AR VEACH-VAD

E PARREZ PLOGOFF

DISKAN


Itron Varia ar Veach-Vad,
 Hon hentchit var ar mor braz,
 Dreist pep tra mirit hor bagig,
 Pa vimp o tremen ar Raz.

1.

Var eul lenn o vont da venzi,
 Aoutrou Maner Kerazan.
 A voestlaz sevel deoc'h eunn ti :
 Setu hen savet aman.

2.

D'he beurober al labourer
 Hag ar pesketaer, laouen,
 Var arc'hant perc'hen ar maner
 A lakeaz ho guenneien.



Au dernier

3.

M'ar bezit deomp, Guerc'hez santel,
Eur Vam douz, madelezuz,
Ni zalc'ho ive ho chapel
Bepret kaer, ato skeduz.

4.

Hon treid var eur blanken tano,
Ni vel bemdez an danjer,
C'hui, o Guerc'hez, hon diouallo :
Hor bagig zo ken dister !

5.

Pa ve dirollet an avel
Goest d'hor skei ouz ar c'herrek,
Ni a zell varzu ho chapel
Ouz ho pedi kalounek.

6.

Evel eun tour-tan benniget,
C'hui a ro d'eomp sklerijen,
C'hui zifen ar vortolodet
Ouz kounnar an tarziou guen.

7.

E boaë an Anaoun, o Guerc'hez,
Kalz, siouaz, a zo chommet ;
Hon tud ho defe dienez
Ma vemp ni ive kollet.

8.

Truez eta ! e peb amzer,
D'ar martolod roit skoazel,
Var he vag beillit, Mam dener,
Pa zalc'h sonj euz ho chapel.

9.

Mes dreist peb tra ni a c'houlen
Silvidigez hon ene ;
Ar bed zo evel luc'heden
Dirag an eternite.

10.

Ni fell deomp, koustet pe gousto,
Mont d'ho knelet er bed all ;
Dionallit hor c'haloun ato
Diouz bilim an techou fall.

11.

Ouz bro Frans hag ouz hor parrez
Taolit eur zell truezuz :
Grit dezo ho diou a nevez
Senti ouz ho Mab Jezuz.

12.

Bag sant Per, an Iliz santel,
A zo ive goal gaset ;
Evit he harpa er vrezel
E klask ho tourn benniget.